

309.

Na osnovu čl. 56, 66. i 68. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa članom 44. stav (2) i članom 5. stav (4) Zakona o dopunskim pravima branilaca i članova njihovih porodica ("Službeni glasnik Unsko - sanskog kantona" broj: 31/20), ministar Ministarstva za pitanja boraca i ratnih vojnih invalida, d o n o s i

**U P U T S T V O
o postupku priznavanja statusa branioca,
demobiliziranog branioca, dobrovoljca,
organizatora otpora, veterana i člana
njihove uže porodice**

**Član 1.
(Osnovne odredbe)**

Ovim Uputstvom uređuje se postupak priznavanja statusa branioca, demobiliziranog branioca, dobrovoljca, organizatora otpora, veterana iz člana 2. Zakona o dopunskim pravima branilaca i članova njihovih porodica (u daljem tekstu: Zakon) i priznavanje statusa člana uže porodice lica iz člana 2, obrazac zahtjeva za priznavanje statusa, potrebna dokumentacija, te postupanje Ministarstva za pitanja boraca i ratnih vojnih invalida (u daljem tekstu: Ministarstvo), po zaprimljenim zahtjevima.

**Član 2.
(Status lica iz člana 2. Zakona)**

(1) Braniocu, demobiliziranom braniocu, dobrovoljcu, organizatoru otpora, veteranu, status lica iz člana 2. Zakona, može se priznati državljaninu Bosne i Hercegovine sa prebivalištem na području Unsko - sanskog kantona (u daljem tekstu: Kanton), ukoliko ispunjava uslove propisane odredbama Zakona.

2) Izuzetno od uslova propisanih stavom (1) ovog člana, status lica iz člana 2. Zakona može se priznati državljaninu Bosne i Hercegovine koji nema prebivalište, odnosno boraviše na području Kantona, a ostvario je povratak u gradove / općine Banja Luka, Prnjavor, Srbac, Prijedor, Bosanski Novi, Kozarska Dubica, Gradiška i Laktaši, i ukoliko ispunjava uslove propisane odredbama Zakona.

Član 3.

**(Status branioca, demobiliziranog
branioca, dobrovoljca, organizatora
otpora, veterana iz člana 2. Zakona)**

(1) Status branioca, demobiliziranog branioca, dobrovoljca, organizatora otpora i veterana, priznaje licu u skladu sa uslovima propisanim članom 2. Zakona i odredbama ovog Uputstva.

(2) Prilikom provođenja postupka za priznavanje statusa branioca, demobiliziranog branioca, dobrovoljca, organizatora otpora i veterana, u zavisnosti od statusa koji se priznaje, potrebno je utvrditi sljedeće činjenice:

- da li je lice učestvovalo u periodu propisanim članom 2. Zakona,
- da u periodu učešća iz člana 2. Zakona, nije evidentirano samovoljno napuštanje jedinice,
- da je prije proglašenja neposredne ratne opasnosti demobilizirano rješenjem nadležnog vojnog organa,
- da ne postoje okolnosti iz člana 47. tačka a) i e) Zakona,
- da je učestvovalo u pripremi za odbranu i u odbrani Bosne i Hercegovine u periodu iz člana 2. Zakona,
- da nije bilo vojni obaveznik u trenutku dobrovoljnog stupanja u Oružane snage,
- da je bilo maloljetno u vrijeme dobrovoljnog stupanja u Oružane snage,
- da je došlo na prostore Bosne i Hercegovine sa slobodne teritorije i uključilo se u Oružane snage;
- i da je organiziralo i rukovodilo u pripremi i odbrani Bosne i Hercegovine najmanje 100 dana u periodima propisanim članom 2. Zakona.

Član 4.

(Status člana uže porodice umrlog branioca, demobiliziranog branioca, dobrovoljca, organizatora otpora, veterana)

(1) Status člana uže porodice umrlog branioca, demobiliziranog branioca, dobrovoljca, organizatora otpora, veterana, može se priznati: bračnom drugu, djeci i roditeljima umrlog koji iza sebe nije ostavio potomstvo, pod uslovima propisanim članom 4. i 5. Zakona.

(2) Odjeljenje za boračko - invalidsku zaštitu prilikom odlučivanja o zahtjevu za priznavanje statusa člana uže porodice umrlog branioca, demobiliziranog branioca, dobrovoljca, organizatora otpora, veterana, dužno je utvrditi bitne činjenice za priznavanje statusa prema uslovima utvrđenim članom 4. i 5. Zakona i prema odredbama ovog Uputstva, provesti upravni postupak, i o zahtjevu postupiti u skladu sa Zakonom o upravnom postupku.

(3) Priznavanje statusa člana uže porodice umrlog ne povlači za sobom prestanak priznatog statusa umrlom braniocu, ukoliko je umrlom za života bio priznat status prema ranije važećim odredbama Zakona o dopunskim pravima branilaca i članova njihovih porodica.

Član 5.

(Zahtjev za priznavanje statusa)

(1) Zahtjev za priznavanje statusa lica iz člana 2. i 5. Zakona podnosi se prvostepenom organu Ministarstva, odnosno Odjeljenju za boračko-invalidsku zaštitu (u daljem tekstu: Odjeljenje) prema mjestu prebivališta podnosioca zahtjeva.

(2) Lice sa prebivalištem u gradovima / općinama pobrojanim u članu 2. stav (2) ovog Uputstva, zahtjev za priznavanje statusa lica iz člana 2. i 5. Zakona, podnosi najbližem Odjeljenju u Kantonu.

(3) Zahtjev za priznavanje statusa lica iz člana 2. Zakona podnosi na propisanom obrascu datom u Prilogu broj 1, i isti čini sastavni dio ovog Uputstva.

(4) Podnositelj zahtjeva za priznavanje statusa lica iz člana 2. ovog Uputstva, uz zahtjev dužan je priložiti sljedeću dokumentaciju:

a) Uvjerenje o vremenu provedenom kao pripadnik AR BiH u vrijeme odbrambeno-oslobodilačkog rata sa dokazom o demobilizaciji, dokazom da nije samovoljno napustio jedinice na datume evidentiranog prekida, i dokazom o razlozima nastanka prekida učešća u AR BiH, te da ne postoje okolnosti iz člana 47. tačka a) i e) Zakona, izdato od strane Ministarstva za pitanja boraca i invalida odbrambeno - oslobodilačkog rata, Odsjeka za pitanja evidencije iz oblasti vojne obaveze Bihać Grupa za pitanja evidencija iz oblasti vojne obaveze matične općine gdje se podnositelj zahtjeva vodi u evidenciji (original ili ovjerena fotokopija ne starija od 6 mjeseci), kao i po potrebi ostali dokazi kojim se utvrđuju činjenice iz člana 2. Zakona;

b) Prijava prebivališta (CIPS prijava - original ili ovjerena fotokopija ne starija od mjesec dana);

c) Ovjerena fotokopija CIPS-ove lične karte (ne starija od mjesec dana);

d) Po potrebi i ostali dokumenti.

(5) Zahtjev za priznavanje statusa lica iz člana 5. Zakona podnosi se na propisanom obrascu datom u Prilogu broj 2, i isti čini sastavni dio ovog Uputstva.

(6) Podnositelj zahtjeva za priznavanje statusa iz člana 5. Zakona, uz zahtjev dužan je priložiti sljedeću dokumentaciju:

a) Rješenje Odjeljenja o priznatom statusu lica iz člana 2. ili Uvjerenje/ dokaz iz stava (4) tačke a) ovog člana;

b) Prijava prebivališta (CIPS prijava - original ili ovjerena fotokopija);

c) Ovjerena fotokopija CIPS-ove lične karte;

d) Izvod iz matične knjige rođenih/vjenčanih i ovjerena lična izjava da nakon smrti lica iz člana 2. Zakona, nije zasnovana bračna/vanbračna zajednica;

e) Dokaz da je sa umrlim licem iz člana 2. Zakona živio u zajedničkom domaćinstvu najmanje tri godine (kućna lista/izjava o zajedničnom domaćinstvu);

f) po potrebi i ostali dokazi kojim se dokazuju činjenice iz člana 4. i 5. Zakona;
 - dokazi iz ovog stava tačka b), c), d), e) i f) priložiti ne starije od mjesec dana.

Član 6. (Nadležnost prvostepenog organa)

(1) U postupku po zahtjevu za priznavanje statusa lica iz člana 2. i 5. Zakona, po prijemu uredne i potpune dokumentacije propisane članom 5. ovog Uputstva, nadležni prvostepeni organ odnosno Odjeljenje, postupa u sa Zakonom i Zakonom o upravnom postupku Federacije Bosne i Hercegovine.

(2) Odjeljenje je dužno po službenoj dužnosti da prati svaku promjenu koja utiče na prestanak statusa priznatog u skladu sa odredbama ovog Uputstva, te obavezati lice kojem je priznat status da u roku od 15 dana od dana nastanka primjene prijavi prvostepenom organu svaku promjenu koja utiče na priznati status.

(3) Odjeljenje je dužno da vodi službenu evidenciju o donesenim rješenjima i o priznatom statusu lica iz člana 2. i 4. ovog Uputstva.

Član 7. (Postupak po žalbama)

(1) Žalba na prvostepeno rješenje može se uložiti u roku od 15 dana od dana prijema rješenja.

(2) Po žalbi izjavljenoj na rješenje Odjeljenja, donesenog u prvom stepenu rješava Ministarstvo.

(3) Protiv rješenja donesenog u drugom stepenu može se pokrenuti upravni spor pred nadležnim kantonalnim sudom.

Član 8. (Stavljanje propisa van snage)

(1) Danom početka primjene ovog Uputstva prestaje da važi Uputstvo o postupku za priznavanje statusa iz člana 2. Zakona o dopunskim pravima branilaca i članova njihovih porodica broj: 12-02-3467-1/2013 od 29.03.2013.godine.

(2) Postupci započeti po propisima koji su važili do stupanja na snagu ovog Uputstva, a nisu okončani pravosnažnim rješenjem, okončati će se po odredbama ovog Uputstva.

Član 9. (Završne odredbe)

Ovo Uputstvo stupa na snagu danom donošenja, a objavit će se u "Službenom glasniku Unsko - sanskog kantona".

Broj:12-37-1103-1/2021

17. januar 2021. godine

B i h ać

MINISTAR

mr.sci. Ermin Zulić

(Prezime, ime oca i ime podnosioca zahtjeva)

(Broj lične karte)

(Adresa i kontakt telefon)

Ministarstvo za pitanje boraca i ratnih vojnih invalida

Odjeljenje za boračko-invalidsku zaštitu _____

PREDMET: Zahtjev za priznavanje statusa.

Obraćam se sa zahtjevom da mi priznate status u skladu sa članom 2. Zakona o dopunskim pravima branilaca i članova njihovih porodica ("Službeni glasnik Unsko-sanskog kantona" broj: 31/20).

Uz zahtjev prilažem sljedeću dokumentaciju:

1. Uvjerenje o vremenu provedenom kao pripadnik AR BiH u vrijeme odbrambeno-oslobodilačkog rata sa dokazom o demobilizaciji, dokazom da nije samovoljno napustio jedinice na datume evidentiranog prekida, i dokazom o razlozima nastanka prekida učešća u AR BiH, te da ne postoje okolnosti iz člana 47. tačka a) i e) Zakona, izdato od strane Ministarstva za pitanja boraca i invalida odbrambeno-oslobodilačkog rata, Odsjeka za pitanja evidencije iz oblasti vojne obaveze Bihać Grupa za pitanja evidencija iz oblasti vojne obaveze matične općine gdje se podnosioc zahtjeva vodi u evidenciji (original ili ovjerena fotokopija ne starija od 6 mjeseci), kao i po potrebi ostalim dokazima kojim se utvrđuju činjenice iz člana 2. Zakona;

2. Prijava prebivališta (CIPS prijava - original ili ovjerena fotokopija ne starija od mjesec dana);

3. Ovjerena fotokopija CIPS-ove lične karte (ne starija od mjesec dana);

4. Po potrebi i ostali dokumenti..

(Mjesto i datum)

(Podnositac zahtjeva)

Shodno članu 5. Zakona o zaštiti ličnih podataka "Službeni glasnik BiH" broj: 49/06, 76/11 i 89/11 kao nosilac gore navedenih i dostavljenih podataka saglasan sam da Ministarstvo za pitanje boraca i ratnih vojnih invalida i Odjeljenja za boračko-invalidsku zaštitu vrši obradu istih u svrhu rješavanja po zahtjevu, trajno.

(Prezime, ime oca i ime podnosioca zahtjeva)

(Broj lične karte)

(Adresa i kontakt telefon)

Ministarstvo za pitanje boraca i ratnih vojnih invalida

Odjeljenje za boračko-invalidsku zaštitu _____

PREDMET: Zahtjev za priznavanje statusa.

Obraćam se sa zahtjevom da mi priznate status u skladu sa članom 5. Zakona o dopunskim pravima branilaca i članova njihovih porodica ("Službeni glasnik Unsko-sanskog kantona" broj: 31/20).

Uz zahtjev prilažem sljedeću dokumentaciju:

1. Rješenje o priznatom statusu lica iz člana 2. Zakona ili Uvjerenje o vremenu provedenom kao pripadnik AR BiH u vrijeme odbrambeno-oslobodilačkog rata sa dokazom o demobilizaciji, dokazom da nije samovoljno napustio jedinice na datume evidentiranog prekida, i dokazom o razlozima nastanka prekida učešća u AR BiH, te da ne postoje okolnosti iz člana 47. tačka a) i e) Zakona, izdato od strane Ministarstva za pitanja boraca i invalida odbrambeno-oslobodilačkog rata, Odsjeka za pitanja evidencije iz oblasti vojne obaveze Bihać Grupa za pitanja evidencija iz oblasti vojne obaveze matične općine gdje se podnosioc zahtjeva vodi u evidenciju (original ili ovjerena fotokopija ne starija od 6 mjeseci), kao i po potrebi ostalim dokazima kojim se utvrđuju činjenice iz člana 2. Zakona;
2. Prijava prebivališta (CIPS prijava - original ili ovjerena fotokopija ne starija od mjesec dana);
3. Ovjerena fotokopija CIPS-ove lične karte;
4. Izvod iz matične knjige rođenih;
5. Izvod iz matične knjige vjenčanih;
6. Ovjerena lična izjava da nije nakon smrti lica iz člana 2. Zakona, zasnovana bračna/vanbračna zajednica;
7. Dokaz da je sa umrlim licem iz člana 2. Zakona živio u zajedničkom domaćinstvu najmanje tri godine (kućna lista/izjava o zajedničnom domaćinstvu);
8. po potrebi i ostali dokazi kojim se dokazuju činjenice iz člana 4. i 5. Zakona;
- dokazi iz tačke 2, 3, 4, 5, 6, 7. i 8. priložiti ne starije od mjesec dana.

(Mjesto i datum)

(Podnositelj zahtjeva)

Shodno članu 5. Zakona o zaštiti ličnih podataka "Službeni glasnik BiH" broj: 49/06, 76/11 i 89/11 kao nosilac gore navedenih i dostavljenih podataka saglasan sam da Ministarstvo za pitanje boraca i ratnih vojnih invalida i Odjeljenja za boračko-invalidsku zaštitu vrši obradu istih u svrhu rješavanja po zahtjevu, trajno.